

# IQRA'



جامعة  
UNIVERSITI  
TEKNOLOGI  
MARA

Perpustakaan  
Tun Abdul Razak

اقرل

## BULETIN PERPUSTAKAAN TUN ABDUL RAZAK



uitmlibrary



libraryuitm



ibraryuitm



library.uitm.edu.my



**m/s 9**  
*Live@PTAR Bicara Khas Sempena Festival Semarak KLWBC 2020 Peringkat Kebangsaan:  
“Membaca Meningkatkan Nilai Diri”*



**m/s 17**  
*Jom Baca Bersama Untuk 10 Minit Ptar Kampus Permatang Pauh, Cawangan Pulau Pinang*



**m/s 10**  
*Live@PTAR Bicara Pakar:  
“Peranan Majlis Raja-Raja Dalam Pentadbiran Negara”*



**m/s 14**  
*Majlis Kemuncak Program Khidmat Masyarakat: Misi IQRA PTAR UITM Cawangan Pulau Pinang*



**m/s 20**  
*World #QuranHour 2021/1442H Peringkat UITM Cawangan Perak*

Pada 8 April 2021, PTAR Kampus Permatang Pauh telah mengadakan Program PTAR's Book2U yang bertempat di Pusat Kegiatan Pelajar, Kolej Kristal, UiTM CPP. Program ini telah berlangsung dari jam 9 pagi hingga 4 petang.

Tujuan program ini adalah untuk mempromosikan perkhidmatan perpustakaan di samping meningkatkan statistik pinjaman bahan di mana ia mendapat sambutan yang amat menggalakkan daripada para pelajar.

Antara aktiviti yang dijalankan sepanjang program ini berlangsung ialah aktiviti "Jom Pinjam Buku", "Speed Reading Test" dan "Kahoot Quiz". Di samping itu, terdapat juga booth Perkhidmatan Rujukan yang dibuka untuk memberi kemudahan kepada pengunjung bagi mendapatkan khidmat nasihat berkenaan perkhidmatan yang ditawarkan oleh perpustakaan.

Program yang mendapat kerjasama daripada Jawatankuasa Perwakilan Kolej UiTM CPP ini diharap dapat menggalakkan para pelajar datang ke perpustakaan dan menggunakan perkhidmatan dan kemudahan yang ada.



### SESI ENGAGEMENT PTAR BERSAMA MAJLIS PERWAKILAN PELAJAR DAN JAWATANKUASA PERWAKILAN KOLEJ UiTM CPP

9 APRIL 2021



Bertempat di Pusat IT, PTAR Kampus Permatang Pauh telah berlangsung sesi Engagement PTAR bersama Majlis Perwakilan Pelajar (MPP) dan Jawatankuasa Perwakilan Kolej (JKK), UiTM Cawangan Pulau Pinang. Sesi Engagement yang diadakan pada 9 April 2021 ini telah dihadiri oleh 39 orang exco serta jawatankuasa daripada kedua-dua perwakilan tersebut. Sepanjang sesi diadakan, pelbagai topik telah dibincangkan termasuk pengenalan perkhidmatan pelanggan, pengenalan perkhidmatan perpustakaan digital dan semakan pengaksesan "Mobile App" dan "MyKM". Selain itu, sesi anjuran PTAR ini juga bertujuan memberi pendedahan mengenai perpustakaan kepada para perwakilan agar promosi perkhidmatan perpustakaan dapat disampaikan kepada pelajar lain dengan lebih berkesan. Di samping itu, perjumpaan seperti ini dapat mengukuhkan antara PTAR dengan MPP dan JKPK UiTM Cawangan Pulau Pinang. Sesi ini telah disampaikan oleh Cik Nor Azilawati Mohamad Azmi dan Encik Nurulizwan Amir selaku Pustakawan Kanan dan dimulakan dengan kata alu-aluan oleh Puan Hayati Mokhtaram, Timbalan Ketua Pustakawan.